

FYI



No Permit:PP13200/12/2013(032007)
June 2017:ISSN 1675-5464

Your OSH preferred partners

KESELAMATAN @ TEMPAT KERJA

TIPS UNTUK MAJIKAN DAN PEKERJA



KESELAMATAN @ TEMPAT KERJA

TIPS UNTUK MAJIKAN DAN PEKERJA

1. Apakah kepentingan?

Sebagai pekerja, kebanyakan kita menghabiskan masa hidup di tempat kerja di mana kita akan terdedah kepada berbagai punca bahaya. Tempat kerja yang kurang selamat boleh mengakibatkan kemalangan dan penyakit yang berkaitan dengan pekerjaan yang akan memudaratkan kita dan keluarga dari segi sosial dan juga kewangan.

2. Apakah faedah mempunyai tempat kerja yang selamat?

- Melindungi aset terpenting – iaitu pekerjaanya
- Meningkatkan produktiviti
- Mengurangkan kemalangan dan penyakit di tempat kerja
- Mengurangkan pembayaran insurans pampasan pekerja
- Mengurangkan perbelanjaan perubatan
- Meningkatkan moral pekerja

3. Bagaimana cara untuk mewujudkan tempat kerja yang selamat?

✓ Tahap pentadbiran

- Sediakan polisi atau dasar keselamatan dan kesihatan untuk organisasi anda
- Lantik komiti bagi keselamatan dan kesihatan yang terdiri dari pihak pengurusan dan juga kakitangan
- Sentiasa berbincang selalu mengenai isu-isu keselamatan di tempat kerja
- Mencatat setiap kemalangan dan nyaris kemalangan dan seterusnya membuat penilaian untuk langkah pencegahan
- Berikan pekerja latihan dan pendidikan mengenai amalan cara kerja yang selamat
- Sediakan peti kecemasan yang diisi dengan keperluan-keperluan perubatan kecemasan



✓ Persekitaran kerja selamat

- Pastikan tempat kerja sentiasa kemas
- Pastikan tempat laluan tidak terhalang - jika perlu tandakan garisan kuning untuk menunjukkan laluan kecemasan
- Gunakan bahan lantai yang tidak licin untuk mengelakkan dari tergelincir dan jatuh – bersihkan sebarang tumpahan dengan segera
- Pastikan peredaran udara yang baik dan efektif bagi mewujudkan suhu bilik yang selesa
- Pastikan tahap pencahayaan yang mencukupi
- Stor hendaklah disusun dengan teratur dan semua barang mestilah dilabel. Hindarkan dari menyimpan bahan kimia atau racun serangga bersama-sama dengan makanan atau minuman
- Paparkan tanda-tanda keselamatan di mana perlu seperti jangan merokok, laluan kecemasan dan sebagainya.
- Perkakas, mesin dan tempat duduk hendaklah yang ergonomik dan selesa untuk digunakan.
- Berikan kemudahan tandas, tempat cuci, tukar baju, tempat rehat dan sebagainya.



✓ Keselamatan kebakaran

- Pasangkan alat pemadam api dan hos di tempat kerja dan pastikan ianya selalu diperiksa.
- Tandakan tempat berkumpul semasa kecemasan
- Paparkan pelan *evacuation* atau tempat pemindahan semasa kecemasan
- Lakukan latihan kebakaran dengan bantuan pihak bomba



✓ Penggunaan bahan kimia dengan selamat

- Gantikan bahan kimia yang berbahaya dengan bahan yang lebih selamat jika boleh
- Tanda semua bekas bahan kimia
- Simpan data keselamatan penggunaan bahan (MSDS) bagi rujukan
- Gunakan alat perlindungan keselamatan diri yang disyorkan jika perlu seperti penutup mulut, sarung tangan, kaca mata keselamatan dan sebagainya.
- Sediakan pencuci mata dan tempat mandi kecemasan jika diperlukan.



✓ Penggunaan elektrik yang selamat

- Jangan sama sekali menggunakan sambungan litar elektrik yang melebihi had
- Jangan gunakan sambungan elektrik yang rosak – tampalkan amaran untuk pengetahuan semua
- Jangan cuba membaiki alat elektrik yang rosak – kerja tersebut mestilah dilakukan oleh orang yang layak/mahir



✓ Penggunaan alat perkakas dengan selamat

- Berikan latihan kepada pekerja tentang penggunaan mesin dengan selamat
- Alat pengadang mesin hendaklah dipasang kepada mesin yang ada risiko terjadinya kecederaan
- Hindarkan dari membuat pembaikpulihan, pengubahsuaian atau pemeliharaan sesuatu mesin tanpa kebenaran
- Gunakan alat perlindungan keselamatan diri yang bersesuaian jika perlu



✓ Penggunaan alat perlindungan keselamatan diri yang betul

- Jika boleh, hindarkan punca bahaya di tempat kerja - alat perlindungan keselamatan diri hanyalah digunakan jika punca bahaya tersebut tidak dapat dikawal
- Sentiasa menggunakan alat perlindungan keselamatan diri yang bersesuaian dengan tugas dan tegaskan penggunaannya
- Alat perlindungan keselamatan diri hendaklah sentiasa dipelihara – ganti alat perlindungan keselamatan diri yang sudah rosak.



PROGRAM TADARUS DAN KHATAM AL-QURAN

Sempena menyambut kedatangan bulan Ramadhan 1438H, NIOSH Ibu Pejabat Bandar Baru Bangi, dengan kerjasama Kelab Kebajikan dan Sukan Institut (KCSI) telah menganjurkan Program Bulan Ramadhan bagi warga kerja NIOSH yang beragama Islam. Sepanjang bulan Ramadhan berlangsung program tadarus yang melibatkan kakitangan yang berkelapangan. Program ini dijalankan pada waktu rehat tengah hari sepanjang Ramadhan bermula 29 Mei 2017 sehingga selesai bacaan. Pada pagi 16 Jun 2017, majlis khatam Al-Quran diadakan di surau bangunan utama di mana seramai 54 peserta Tadarus Al-Quran telah menamatkan bacaan masing-masing.

Sebanyak 10 kumpulan yang terdiri daripada ahli Kelab Kebajikan dan Sukan Institut (KCSI), pembantu penyelidik NIOSH telah berjaya dikumpulkan pada tahun ini. Mereka telah memulakan bacaan masing-masing seawal 1 Ramadhan 1438M lagi. Majlis Khatam Quran tersebut turut disertai oleh Tuan Pengarah Eksekutif NIOSH iaitu Tuan



Haji Zahrim Osman. Program ini dapat menyemarakkan rasa cinta kepada Al-Quran dan mempertingkatkan ibadah di bulan Ramadhan di samping dapat menjalankan ukhuwah antara kakitangan NIOSH.

Pihak KCSI juga menjemput Pusat Zakat Selangor untuk menyediakan kaunter bayaran zakat. Kaunter pembayaran zakat turut dibuka pada hari tersebut bermula jam 3.00 pagi sehingga 4.30 petang bagi memudahkan warga kerja NIOSH menunaikan tanggungjawab masing-masing.

Selain itu, NIOSH juga telah membuat sumbangan kepada anak-anak/waris kakitangan yang telah meninggal dunia. Selain daripada peruntukan NIOSH, KCSI juga telah membuat kutipan daripada kakitangan yang berhajat untuk turut serta membuat sumbangan. Semoga sumbangan ini dapat meringankan beban keluarga yang kehilangan ahli keluarga.

Mohammed Azman Aziz Mohammed dan Setiausaha Eksekutif NIOSH Ayop Salleh.

Richard Riot berkata, dalam pertemuan itu, kedua-dua organisasi turut membincangkan mengenai cabaran baru dalam bidang KKP, ekoran perkembangan era digital dan globalisasi yang turut menentukan trend utama suasana pekerjaan di masa hadapan.

Delegasi Malaysia disambut oleh ketua pengarah FIOH Dr Antti Koivula. Beliau turut memberi taklimat mengenai latar belakang FIOH diikuti dengan perbincangan tentang keperluan untuk kedua-dua organisasi bekerjasama bagi menggalakkan budaya KKP yang baik di tempat kerja.

Lee menyifatkan pertemuan tersebut sangat produktif kerana dapat membantu mengukuhkan pengetahuan, kerjasama dan perkongsian mengenai KKP di antara FIOH



NIOSH JALIN KERJASAMA DENGAN FIOH

15 June 2017: HELSINKI (FINLAND) – Institut Keselamatan dan Kesihatan Pekerjaan Negara (NIOSH) akan bekerjasama dengan Institut Kesihatan Pekerjaan Finland (FIOH) bagi memudahkan pertukaran maklumat dan pengetahuan mengenai isu-isu berkaitan.

Menteri Sumber Manusia Datuk Seri Richard Riot Jaem berkata, untuk itu kedua-dua organisasi akan menandatangani memorandum persefahaman (MoU) yang turut melibatkan promosi aspek keselamatan dan kesihatan pekerjaan (KKP), terutamanya dalam bidang kesihatan pekerjaan di Malaysia.

“Dalam tempoh beberapa minggu akan datang, kedua-dua organisasi akan berbincang mengenai draf MoU tersebut yang dijangka ditandatangani di Kuala Lumpur pada bulan September tahun ini,” katanya selepas mengetuai delegasi Malaysia melawat FIOH di Helsinki hari ini.

Turut serta dalam delegasi tersebut ialah Pengerusi NIOSH Tan Sri Lee Lam Thye, ketua pegawai eksekutif Pertubuhan Keselamatan Sosial (PERKESO) Datuk Dr



MESYUARAT AGUNG TAHUNAN NIOSH KALI KE-24

Pada 22 Jun 2017, bertempat di Dewan Rafflesia, Menara NIOSH, Bandar Baru Bangi, Selangor telah berlangsung Mesyuarat Agung Tahunan NIOSH (AGM) kali yang ke-24. Majlis berjalan lancar seperti yang dirancang di mana semua ahli NIOSH yang bergerak aktif dijemput hadir bagi memilih Ahli Lembaga Pengarah NIOSH yang baru. Mesyuarat Agung Tahunan ini akan dihadiri oleh Ahli Lembaga Pengarah NIOSH dan Ahli-ahli NIOSH (NIOSH Members). Turut hadir dalam majlis tersebut ialah Pengerusi NIOSH YBhg Tan Sri Datuk Seri Lee Lam Thye.

Ahli Lembaga Pengarah NIOSH bagi sesi 2017/2018 yang baru dilantik di dalam AGM kali yang ke-24 adalah seperti berikut:

1. Prof. Dr. Ismail Bin Bahari
2. Prof. Dr. Tan Guat Lin, Everlyn
3. Dr. Nur Dalilah Binti Dahlan
4. Dr. Abu Hasan Bin Samad
5. Ir. Fuad Bin Abas

Tahniah dan syabas diucapkan kepada barisan Ahli Lembaga Pengarah NIOSH yang baru. Semoga penglibatan mereka dapat membantu NIOSH untuk terus maju dan berjaya di masa hadapan.

dan NIOSH selain mempromosi latihan dan perundangan di tempat kerja.

Beliau berkata, NIOSH akan membantu menyediakan draf MoU tersebut dan akan mendapatkan persetujuan FIOH sebelum majlis menandatangani diadakan pada minggu pertama September tahun ini.

Ditubuhkan pada tahun 1945, FIOH adalah agensi KKP terkemuka di Eropah yang merupakan pakar dalam bidang KKP.

Ia turut menyediakan perkhidmatan penyelidikan, nasihat dan latihan dan beroperasi di bawah Kementerian Hal Ehwal Sosial dan Kesihatan Finland dan mempunyai kira-kira 500 pekerja.

Sumber: MalaysiaGazette



Eskalator makan jari

KEADAAN jari kanak-kanak yang tersepit pada kepingan eskalator.

Jari budak dua tahun hancur tersepit

Ibrahim Isa
ibrahim_isa@hmetro.com.my

Johor Bahru

Pada bergurau bersama kakak ketika menuruni eskalator, sebahagian daripada dua jari seorang kanak-kanak lelaki berusia dua tahun hancur apabila tersepit di gigi eskalator tingkat tiga, sebuah

pusat beli-belah, di sini, petang semalam.

Ketua Balai Bomba dan Penyelamat Johor Bahru Mohd Suhaimi Abdul Jamal berkata, pihaknya menerima panggilan kecemasan pada jam 2.28 petang sebelum 11 anggota diketuai Ketua Operasi Khairul Azhar Abd Aziz memabihkan dua jentera termasuk satu kenderaan bantuan kecemasan (ERMS) dikejarkan ke lokasi.



KEPINGAN eskalator yang dipotong anggota bomba.

"Apabila tiba, kami dapati dua jari tangan kanan kanak-kanak berusia dua tahun itu tersepit pada eskalator berkenaan dan menurut ibunya, anak lakinya dikenali sebagai Noor Muhammad Asrian Afeendy Asswien berguru bersama kakaknya ketika mereka menggunakan eskalator itu untuk turun ke tingkat bawah.

"Bagaimanapun, ibunya tidak perasan apa yang berlaku sebelum secara tiba-tiba

28-06-2017

setempat 33

Proses menyelamatkan jari kanak-kanak itu berjalan lancar namun sebahagian kecil jari kanak-kanak itu hancur."

Mohd Suhaimi Abdul Jamal

ba mangsa tergelek ke bawah menuruni eskalator berkenaan dan dua jarinya tersepit.

"Mujurlah ada pihak yang menghentikan eskalator berkenaan dan memanggil kami sebelum keadaan buruk berlaku. Apabila tiba, kami dapati dua jari itu tersepit dan terpaksa memotong sebahagian kepingan eskalator berkenaan dan menghantarnya ke Hospital

Sultanah Aminah (HSA) di sini pada jam 2.58 petang untuk diberikan bius," katanya ketika dihubungi, semalam.

Menurutnya, sebaik diberikan bius, pasukan bomba mengeluarkan jari kanak-kanak itu dengan memotong kepingan eskalator berkenaan pada jam 3.30 petang.

Katanya, proses menyelamatkan jari kanak-kanak itu berjalan lancar namun sebahagian kecil jari kanak-kanak itu hancur akibat kejadian itu.

Berikutan itu, katanya, orang ramai terutama ibu bapa dinasihatkan memantau pergerakan kanak-kanak terutama ketika menggunakan eskalator bagi mengelak kejadian sama berulang.

8 Nation

THE STAR, THURSDAY 29 JUNE 2017

Lee: Safety reminders will be of help

KUALA LUMPUR: Shopping malls should use their public address systems to remind parents of safety precautions when using escalators, Tan Sri Lee Lam Thye said.

The National Institute of Occupational Safety and Health (Niosh) chairman said this was important to reduce the number of accidents involving escalators in shopping complexes.

It is the responsibility of the building owners or management to ensure that the escalators are in good condition, he said in a state-

ment yesterday.

This measure needs to be implemented especially during peak hours and school holidays, he added.

Lee said Niosh took a serious view of accidents, especially those that involved children.

On Tuesday, a young boy almost lost his fingers after his hand became trapped in an escalator at a shopping mall in Tampoi, Johor.

The victim, who was stuck for about an hour, was taken to the Sultanah Aminah Hospital for treatment. — Bernama

LEE: SAFETY REMINDERS WILL BE OF HELP

Publication: The Star

Date of Publication: 29 June 2017

Page number: 8

AUDIT KEMUDAHAN SEKOLAH BERUSIA JAMIN KESELAMATAN PELAJAR, PENDIDIK
 Publication: Berita Harian
 Date of Publication: 07 June 2017
 Page number: 37

BH, Rabu, 7 Jun 2017

Pembaca yang ingin menyuarakan pandangan berhubung isu semasa boleh menghantar sumbangan menerusi e-mel: bhforum@bh.com.my

E-MAIL PEMBACA

→ INTERAKTIF

Audit kemudahan sekolah berusia jamin keselamatan pelajar, pendidik

Institut Keselamatan dan Kesihatan Pekerjaan, Negara (NIOSH) meminta kerajaan menjalankan audit menyeluruh dengan lebih kerap di sekolah, terutama yang sudah berusia lebih 20 tahun.

Serentak dengan itu, audit berkenaan harus memabihkan struktur bangunan dan infrastruktur asas, termasuk makmal, kantin dan padang bagi mengelakkan kemalangan di sekolah berlaku.

Kegagalan mengaudit secara konsisten dijangka bukan sahaja akan membahayakan pelajar, malah guru dan kakitangan sekolah turut berisiko cedera atau terburuh.

Sebagai contoh, kes seperti runtuhan bumbung sekolah dan pontok 'gorebo' serta kebakaran asrama pelajar sering dilaporkan setiap tahun. Pada Julai tahun lalu, seorang pelajar maut dihempas tiang gol hoki di sebuah sekolah menengah di Gua Musang.

Keselamatan anak di sekolah
 Kes begini bukan sahaja mencetuskan kekhawatiran kepada kerajaan, bahkan cukup merisaukan ibu bapa dan penjaga berhubung keselamatan dan kesihatan anak serta kanak-kanak di bawah jagaan mereka di sekolah.

Sebagai majikan, kerajaan bertanggungjawab menyediakan per-

Fakta nombor

8,171

PROJEK

penambahbaikan dan selenggara sekolah

sekitaran yang selamat dan sihat di sekolah demi kebajikan guru, kakitangan dan pelajar yang dianggap aset berharga untuk melaksanakan impian Malaysia menjadi negara maju.

Kos selenggara RM390 juta

Perkara ini merujuk kepada laporan BH berhubung 8,171 projek penambahbaikan dan penyelenggaraan sekolah bernilai RM390 juta bermula 14 Jun ini, memabihkan Sekolah Kebangsaan (SK), Sekolah Berasrama Penuh (SBP) dan Sekolah Agama Bantuan Kerajaan (SABK).

Antara kerja yang akan dilaksanakan adalah penambahbaikan

sistem pendawaian elektrik, peralatan pencegahan kebakaran, pagar dan rawatan anai-anai.

Perlu juga dinyatakan bahawa langkah yang diambil kerajaan melalui Kementerian Pendidikan amat bertepatan bagi mengelakkan sebarang kemalangan daripada berlaku.

Jadi, semua pihak tentu menyambut baik rancangan kerajaan ini kerana penambahbaikan yang dibuat dapat membantu menjayakan perskitaran sekolah lebih selamat dan sihat.

Tan Sri Lee Lam Thye, Aktivist masyarakat

Keratan akhbar BH pada 13 Julai 2016 mengenai tragedi menimpa seorang pelajar Tingkatan Dua yang maut dihempas tiang gol di sekolah di Gua Musang.



NIOSH jalin kerjasama dengan FIOH

KUALA LUMPUR 15 Jun - Institut Keselamatan dan Kesihatan Pekerjaan Negara (NIOSH) akan bekerjasama dengan Institut Kesihatan Pekerjaan Finland (FIOH) bagi memudahkan pertukaran maklumat dan pengetahuan mengenai isu-isu berkaitan.

Menteri Sumber Manusia, Datuk Seri Richard Riot Jaem berkata, kedua-dua organisasi berkenaan akan menandatangani memorandum persefahaman (MoU) yang turut melibatkan promosi aspek keselamatan serta kesihatan pekerja (KKP).

"Kedua-dua organisasi akan berbincang mengenai draf MoU tersebut dan dijangka menandatangani di Kuala Lumpur, September ini," katanya dalam satu kenyataan selepas mengetahui delegasi Malaysia melawat FIOH di Helsinki hari ini.

Yang turut serta Pengerusi NIOSH, Tan Sri Lee Lam Thye; Setiausaha Eksekutif NIOSH, Ayop Salleh dan Ketua Pegawai Eksekutif Pertubuhan Keselamatan Sosial (Perkeso), Datuk Dr. Mohammed Azman Aziz Mohammed.

Mengulas lanjut mengenai pertemuan tersebut, Richard Riot berkata, cabaran baharu dalam bidang KKP termasuk perkembangan era digital dan globalisasi akan dibincangkan kerana ia menentukan trend utama suasana pekerjaan di masa hadapan.

"Delegasi Malaysia disambut Ketua Pengarah FIOH, Dr. Antti Koivula dan diberi taklimat mengenai latar belakang organisasi berkenaan," katanya.

NIOSH JALIN KERJASAMA DENGAN FIOH

Publication: Utusan Malaysia

Date of Publication: 16 June 2017

Page number: 26

806 ESKALATOR LANGGAR PIAWAIAN KESELAMATAN

Publication: Utusan Malaysia
Date of Publication: 29 June 2017
Page number: 06

806 eskalator langgar piawaian keselamatan

KUALA LUMPUR 28 Jun - Jabatan Keselamatan dan Kesihatan Pekerjaan (DOSH) mendapati 806 daripada 7,632 eskalator di pusat beli-belah dan tempat awam yang diperiksa di seluruh negara melanggar piawaian keselamatan yang ditetapkan.

Pengerusi Institut Keselamatan dan Kesihatan Pekerjaan Negara (NIOSH), Tan Sri Lee Lam Thye berkata, audit keselamatan terhadap eskalator wajib dilakukan secara berkala dan syari-

kat yang mengendalikan sokongan teknikal turut harus terlibat sama.


"Sama ada mahu atau tidak, perkara ini sudah menjadi tanggungjawab mereka. Mereka perlu memastikan eskalator yang digunakan oleh pengunjung terutama pada hujung minggu atau semasa cuti sekolah sentiasa berada dalam keadaan baik.

"Hal ini kerana NIOSH semakin bimbang akan keselamatan pengunjung pusat beli-belah kerana semakin hari,

semakin banyak kes-kes kemalangan di eskalator berlaku," katanya dalam satu kenyataan, di sini hari ini.

Beliau berkata demikian ketika mengulas kejadian malang yang menimpa seorang kanak-kanak berusia dua tahun akibat tersepit dua jari tangan kanannya di eskalator tingkat tiga Angsana Mall Johor Bahru, semalam.

Menurut Lam Thye, pihak pengurusan kompleks beli-belah boleh membantu mengurangkan kemalangan berkaitan eskalator dengan menggunakan sistem siar raya mereka dengan sentiasa mengingatkan orang ramai.



LEE LAM THYE

TERKEJUR DI TIANG ELEKTRIK

Publication: Harian Metro
Date of Publication: 09 June 2017
Page number: 16

MAUT DIHEMPAP PENGGELEK JALAN

Publication: Harian Metro
Date of Publication: 23 June 2017
Page number: 50

16 setempat

09-06-2017

HARIAN METRO

■ **Lelaki warga Bangladesh maut ketika baiki kabel**

ANGGOTA bomba membawa turun mayat mangsa yang tersangkut pada tiang elektrik menggunakan tali di Taman Desa Mewah, Semenyih, kelmarin.

Terkejur di tiang elektrik

Nurul Hidayah Bahaudin
am@hmetro.com.my

Semenyih

Seorang lelaki warga Bangladesh maut selepas terkena renjatan elektrik ketika membaiki kabel elektrik di Taman Desa Mewah, di sini, kelmarin.

Dalam kejadian kira-kira jam 2 petang itu, mangsa, Nazrul Islam, 30, diturunkan oleh anggota bomba dengan mengu-

nakan tali selepas mayatnya tersangkut pada tiang elektrik itu.

Ketua Balai Bomba dan Penyelamat Semenyih Zainal Elias Abdul Aziz berkata, pihaknya menerima panggilan daripada seorang wanita tempatan yang juga rakan sekerja mangsa memaklumkan

kejadian itu pada jam 2.28 petang.

"Seramai sembilan pegawai dan anggota bomba bersama satu jentera dikerahkan ke lokasi kejadian. Sebaik tiba, kami mendapati mayat mangsa masih tergantung di tiang elektrik berkenaan.

"Kami menunggu Tenaga Nasional Berhad (TNB) untuk mematikan bekalan elektrik di kawasan itu


sebelum memulakan operasi menurunkan mayat mangsa menggunakan tali," katanya.

Zainal berkata, pihaknya mengambil masa kurang 20 minit untuk menurunkan mayat mangsa yang juga pekerja sub kontraktor sebuah syarikat penyelenggara elektrik berkenaan.

"Sebaik mayat dibawa turun, pasukan perubatan membuat pemeriksaan dan mengesahkan mangsa sudah meninggal dunia," katanya.

FAKTA

Sembilan pegawai dan anggota bomba bersama satu jentera dikerahkan ke lokasi kejadian



PEKERJA pembinaan maut apabila jentera penggelek jalan dipandu terbalik.

Maut dihempap penggelek jalan

■ **Jentera dipandu terlajak mengundur sebelum terbalik**

Nadzreen Shah Mat Salim
am@hmetro.com.my

Kajang

Seorang lelaki maut dalam keadaan mengerikan apabila kepalanya dihempap jentera penggelek jalan seberat lebih 10 tan.

Dalam kejadian jam 9 pagi semalam, mangsa yang berusia 51 tahun itu

dikatakan sedang memandu kenderaan berat itu berhampiran Kajang Perdana.

Komander operasi dari Balai Bomba dan Penyelamat Kajang Fauzi Yusof berkata, pihaknya menerima panggilan kecemasan daripada rakan mangsa berhubung kejadian itu sebelum sepasukan enam anggotanya bergegas ke lokasi.

"Setibanya di lokasi, kami mendapati seorang

mangsa tersepit di bahagian tempat duduk pemandu jentera berat itu.

"Berdasarkan keterangan saksi, mangsa yang memandu jentera itu dipercayai sedang mengundur sebelum tertuh dari tembok kawasan pembinaan berkenaan setinggi satu meter," katanya.

Menurutnya, mangsa dikatakan terlajak mengundur kenderaan sebelum jentera itu terbalik

dan menghempapnya.

Fauzi berkata, mangsa mengalami kecederaan parah di bahagian kepala dan mati di lokasi kejadian.

"Kami mengambil masa 30 minit untuk mengeluarkan mayat mangsa selepas bahagian bumbung jentera terpaksa dipotong," katanya.

Dia berkata, mayat mangsa diserahkan kepada pihak polis untuk tindakan lanjut.

Disclaimer

©Copyright 2017. National Institute of Occupational Safety and Health Malaysia. All rights reserved. No part of this publication June be reproduced, stored in retrieval system, or transcribed in any forms or by any means, electronic, photocopying, or otherwise, without the prior written permission of the copyright owner.